

Na osnovu člana 16. stav 4. Zakona o Vladi Zeničko-dobojskog kantona-Prečišćen tekst ("Službene novine Zeničko-dobojskog kantona", broj 7/10), na prijedlog Ministarstva unutrašnjih poslova Zeničko-dobojskog kantona, Vlada Zeničko-dobojskog kantona, na 4. sjednici, održanoj dana 02.04.2015. godine d o n o s i

ZAKLJUČAK

I.

Prihvata se Informacija o stanju bezbjednosti na području Kantona za 2014. godinu.

II.

Informacija iz tačke I ovog Zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/15.
Datum, 02.04.2015. godine
Zenica

P R E M I J E R

Miralem Galijašević

DOSTAVLJENO:

1x Ministarstvo unutrašnjih poslova,
1x Stručna služba Skupštine,
1x a/a.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO UNUTRAŠNJIH POSLOVA
MINISTARSTVO UNUTARNJIH POSLOVA
Z E N I C A

I N F O R M A C I J A
o stanju bezbjednosti na području
Zeničko-dobojskog kantona za 2014. godinu

Zenica, mart 2015. godine

UVOD

Rad Ministarstva unutrašnjih poslova i njegovih organizacionih jedinica odvijao se u skladu sa ovlaštenjima propisanim zakonima: Zakonom o unutrašnjim poslovima ZDK, Zakonom o policijskim službenicima ZDK, Zakonom o javnom redu i miru ZDK, Zakonom o osnovama bezbjednosti saobraćaja na putevima u BiH, Zakonom o prekršajima FBiH, Zakonom o nabavljanju, držanju i nošenju oružja i municije, Zakonom o bezbjednosti održavanja sportskih takmičenja u Zeničko-dobojskom kantonu, Zakonom o zaštiti tajnih podataka BiH, Zakonom o zaštiti ličnih podataka BiH, kao i u skladu sa drugim zakonskim i podzakonskim aktima od kojih su najvažniji Pravilnik o unutrašnjoj organizaciji MUP-a ZDK, Pravilnik o zaštiti tajnih podataka u MUP-u ZDK, Pravilnik o zaštiti ličnih podataka u MUP-u ZDK, Pravilnik o upotrebi sile, Pravilnik o disciplinskoj odgovornosti policijskih službenika MUP-a ZDK, Pravilnik o načinu držanja i nošenja oružja i municije, Pravilnik o organizaciji i uređenju redarske službe, zatim u skladu sa Uredbom o Uredu za pritužbe javnosti, Poslovníkom o radu policijskog odbora za policijske službenike MUP-a ZDK, Poslovníkom o radu Nezavisnog odbora za izbor i reviziju, te Instrukcijom o načinu i postupku evidentiranja i izvršenja zaštitne mjere zabrane prisustvovanja sportskim takmičenjima. Ministarstvo je posebnu pažnju posvetilo zakonitom radu, primjeni policijskih ovlaštenja i profesionalnom odnosu policije prema građanima, uz poštivanje domaćih i međunarodnih standarda i propisa o ljudskim pravima.

U toku 2014. godine, policijski službenici poduzimali su aktivnosti na poboljšanju stanja u oblasti kriminaliteta. Poduzimane su planirane mjere i aktivnosti na rasvjetljavanju teških krivičnih djela iz skupina KD KZ FBiH, protiv života i tijela, protiv imovine, protiv opće sigurnosti ljudi i imovine, protiv sigurnosti javnog prometa itd. Vršene su provjere po zaprimljenim krim-obavještajnim izvještajima, te u vezi s tim poduzimane i službene radnje (pozivanje lica i sl.) uz upoznavanje Kantonalog tužilaštva, te vršena poligrafska ispitivanje po zahtjevima PU/PS. Konstantno je rađeno na poboljšanju suradnje sa Tužilaštvom.

Policijski službenici ovog Ministarstva bili su angažovani prilikom protestnih okupljanja građana u februaru 2014. godine, kada je došlo do narušavanja javnog reda i mira u većem obimu, te se radilo na rasvjetljavanju počinjenja krivičnih djela „napad na službenu osobu u vršenju poslova sigurnosti“ iz člana 359. KZ FBiH, „teška krivična djela protiv opće sigurnosti ljudi i imovine“ iz člana 328. KZ FBiH i „oštećenje tuđe stvari“ iz člana 293. KZ FBiH. Kantonalnom tužilaštvu ZDK dostavljen je izvještaj protiv 15 osumnjičenih, kao i operativni materijal za maloljetne počinioce krivičnih djela. Za vrijeme održavanja protestnih okupljanja na području Kantona povrijeđeno je 35 policijskih službenika od kojih su 4 zadobila teške tjelesne povrede konstatovane u Kantonalnoj bolnici Zenica.

Službenici ovog Ministarstva bili su maksimalno angažovani prilikom elementarne nesreće koja je u maju 2014. godine pogodila područje Zeničko-dobojskog kantona. Vršen je obilazak poplavljenih područja uz koordinaciju i usmjeravanje rada policijskih uprava i policijskih stanica. Formiran je krizni štab, uspostavljeno 24-satno dežurstvo, poduzimane su aktivnosti na spašavanju ljudi i imovine, praćeno stanje na putevima, te iznalaženi alternativni pravci za saobraćaj, rađeno na sprječavanju vršenja krivičnih djela itd.

Odsjek za privredni kriminalitet i korupciju je u 2014. godini radio na težim slučajevima iz ove oblasti, te po nalogima i naredbama Tužilaštva i sudova, po nalogima drugih agencija za provođenje zakona. Tužilaštvu ZDK podneseno je 18 izvještaja o izvršenim krivičnim djelima i otkrivanju počinilaca, protiv 43 fizička lica za počinjenih 58 krivičnih djela, 48 izvještaja o izvršenim provjerama, te uzeo ukupno 506 pismenih izjava na zapisnik. Najčešći predmet provjera su bila lica za koje postoje osnovi sumnje da su počinila krivična djela "prijevara", "krivotvorenje isprava", "zloupotrebe položaja ili ovlaštenja", "nesavjestan rad u službi", "pronevjera u službi" i "obmana pri dobijanju kredita ili drugih pogodnosti".

Od ureda Krimolovac Sarajevo zaprimane su informacije o raznim vrstama mogućih kriminalnih aktivnosti za koje su izvršene ili su u toku određene provjere na terenu i iste su unesene u bazu podataka, te je odgovoreno SIPA-i na 114 informacija "Krimolovac" od kojih je 17 bilo tačnih, 3 informacije su bile djelimično tačne, 83 informacije su netačne, dok se za 11 informacija čeka na odgovor. Na zahtjev državnih institucija BiH, institucija entiteta, Brčko

Distrikta i kantonalnih MUP-ova, ambasada u BiH, kao i drugih subjekata, izvršene su provjere u raspoloživim evidencijama, uključujući i krivično-operativne i prekršajne evidencije, za 1.780 lica, stranih i državljana BiH.

Službenici Sektora uniformisane policije su obavljali poslove i zadatke na obezbjeđenju velikog broja javnih skupova povodom vjerskih i državnih praznika i protestnih okupljanja, kao i velikog broja manifestacija zabavnog i kulturnog karaktera (državni i vjerski praznici, zatim Međunarodni sajam „ZEPS 2014“, „Visočko ljeto 2014“, „Sajam obrazovanja i zapošljavanja“, koncerti u Areni Zenica i sl.). Vršeno je i obezbjeđenje sportskih manifestacija međunarodnog karaktera (biciklističke trka „Grand prix Sarajevo 2014“), kao i nogometnih utakmica Premijer lige i međunarodnih nogometnih utakmica (BiH-Kipar, BiH- Belgija). Takođe je postupano po Planu FMUP-a i zavedenoj akciji „Srebrenica 2014.“ povodom obilježavanja godišnjice genocida nad građanima Srebrenice i ukopa žrtava. Uspješno su izvršene i realizirane sve mjere i radnje na obezbjeđenju „Općih izbora 2014.godine“, kao i mjere i radnje na obezbjeđenju svih predizbornih skupova. U više navrata pružena je asistencija pripadnicima Sudske policije BiH i Sudske policije FBiH. Naloženo je svim policijskim stanicama da poduzmu neophodne mjere i radnje iz svoje nadležnosti u cilju bezbjedne podjele novčanih pošiljki.

Tokom 2014. godine ukupno je zaprimljeno 110 predstavlki na rad policijskih službenika, od kojih je u potpunosti okončano 95, dok je rad po 15 predstavlki u toku ili u fazi odlučivanja kod Ureda za pritužbe javnosti. Od ukupnog broja zaprimljenih predstavlki, od strane građana podneseno je 68 predstavlki, 28 predstavlki je podneseno od strane rukovodilaca organizacionih jedinica iz sastava ovog Ministarstva, 10 predstavlki je podneseno od strane anonimnih podnosilaca, u 2 događaja je postupljeno po službenoj dužnosti Odsjeka za unutrašnju kontrolu i Ureda za pritužbe javnosti, 1 predstavka je podnesena od strane policijskih službenika i 1 predstavka je dostavljena od drugog organa uprave. Od ukupnog broja, 79 predstavlki se odnosi na rad protiv 106 policijskih službenika, 29 predstavlki se odnosi na rad organizacionih jedinica iz sastava MUP-a ZDK i 2 predstavke se odnose na provedenu proceduru po internom oglasu. Od 95 riješenih predstavlki, za 36 predstavlki je zaključeno da su neosnovane, za 8 predstavlki nije bilo dovoljno dokaza, a za 10 predstavlki je utvrđeno da Odsjek za unutrašnju kontrolu i Ured za pritužbe javnosti nisu nadležni za postupanje. Neformalno su razriješene 3 predstavke, 7 predstavlki je ocijenjeno oslobađajućim, 1 predstavka je povučena od strane podnosioca, 3 predstavke su ocijenjene dijelom neosnovane, a dijelom bez dovoljno dokaza, 1 predstavka je ocijenjena dijelom oslobađajućom a dijelom bez dovoljno dokaza, 3 predstavke su ocijenjene dijelom oslobađajućim a dijelom neosnovanim, dok su 23 predstavke ocijenjene osnovanim, a istima je obuhvaćeno 25 policijskih službenika. Nakon podnošenja konačnog izvještaja i odobrenja Ureda za pritužbe javnosti, za 9 predstavlki je utvrđeno da je 9 policijskih službenika počinilo težu povredu službene dužnosti, iz člana 107. Zakona o policijskim službenicima ZDK, za 14 predstavlki kojima je obuhvaćeno 16 policijskih službenika je utvrđeno da se radi o lakšim povredama službene dužnosti, gdje je protiv istih izrečena disciplinska sankcija "pismena opomena" ili "novčana kazna od 15 % jedne mjesečne plate" policijskog službenika.

Odsjek za revizije i inspekcije je u izvještajnom periodu zaprimio 18 početnih izvještaja o upotrebi sile izvršenoj od strane policijskih službenika. U svim predmetima je sproveden postupak utvrđivanja zakonitosti upotrebe sredstava sile, na osnovu čega je utvrđeno da su sredstva sile upotrijebljena zakonito i pravilno, a što je rezultiralo i pravdanjem od strane policijskog komesara.

Vršena je koordinacija rada svih policijskih stanica ovog Ministarstva na poslovima kontrole i regulacije saobraćaja na području Kantona, sa akcentom na magistralnim putevima M-4, M-5, M-17 i M-18 i autoput A-1. Vršen je nadzor rada stacioniranih radara Šije (PS Tešanj), Brankovići (PS Žepče), Misurići (PS Maglaj) i Donja Vraca (PU Zenica), kao i mobilnih i ručnih radara, te uređaja ProVida 2000, montiranih u policijska vozila.

Vršena je koordinacija pratnji vangabaritnih tereta opasnih materija i šticećih ličnosti na magistralnim i ostalim putevima na području Kantona i sačinjavani su rasporedi kontrolno-stajnih tačaka za saobraćajne patrole na magistralnim putevima. Redovno je pružana asistencija i podrška JP "Direkciji cesta" FBiH, za rad sa federalnom vagom.

Provođene su aktivnosti na iznalaženju što efikasnijeg načina naplate novčanih kazni za vozače i vozila sa stranim registarskim oznakama iz susjednih zemalja i država Evropske Unije, u saradnji sa Graničnom policijom BiH.

U oblasti bezbjednosti saobraćaja je tokom 2014. godine zavedeno 37 akcija pojačane kontrole učesnika u saobraćaju u ukupnom trajanju od 120 dana, a vršene su i svakodnevne kontrole mirujućeg saobraćaja, tokom cijele godine, te kontrole nelegalnog taxi prijevoza svakodnevno, tokom druge polovine godine. Koordinirane aktivnosti i izvršena 101 pratnja štićenih ličnosti, 74 pratnje vangabaritnih tereta, 55 pratnji „B“ materija i 12 pratnji vrijednosnih pošiljki.

U suradnji sa svim policijskim stanicama, realizirane su odgovarajuće aktivnosti u cilju sprovođenja kampanje pod nazivom "Zloupotreba opojnih droga i maloljetnička delinkvencija", u vremenskom razdoblju oktobar-decembar 2014.godine. Kampanja je realizirana u osmim i devetim razredima svih osnovnih škola, kao i u svim srednjim školama na području Zeničko-dobojskog kantona.

Tokom 2014. godine sačinjeno je 157 saopćenja za javnost, realiziran je 971 dnevni izvještaj i 1047 posebnih izvještaja i izjava za medije. Svakodnevno su vršene korespondencije preko e-maila, vršena redovna komunikacija sa medijima, građanima, udruženjima i drugim subjektima, te su istim, u skladu sa dostavljanim zahtjevima, ustupani traženi podaci. Postupano je po pristiglim zahtjevima od strane FMUP-a, FUP-a, MUP-a RS, KMUP-ova i ostalih policijskih organa.

BEZBJEDNOSNA SITUACIJA TOKOM 2014. GODINE

Bezbjednosna situacija tokom 2014. godine, je predstavljena u odnosu na isti period prethodne godine, kroz analizu stanja javnog reda i mira, analizu stanja kriminaliteta, analizu bezbjednosti saobraćaja, po policijskim upravama, odnosno stanicama, kao i kroz analizu ostalih parametara datih u ovoj Informaciji.

JAVNI RED I MIR


Tokom 2014. godine, na području Kantona, zabilježeno je 2.757 prekršaja javnog reda i mira, koje je počinilo 3.329 lica. Javni red i mir je u 913 slučajeva narušen tučom, odnosno fizičkim napadom na drugoga, u 622 slučaja naročito drskim ponašanjem, u 246 slučajeva odbijanjem naređenja i omalovažavanjem policijskih službenika, u 247 slučajeva svadom, vikom i nepristojnim ponašanjem, dok se u 729 slučajeva radilo o ostalim prekršajima prema Zakonu o javnom redu i miru.

Stanje javnog reda i mira tokom 2014. godine sa uporednim podacima

Period	Broj prekršaja	Broj učinilaca	Tuče	Naročito drsko ponašanje	Omalovažavanje ovlaštenih službenih lica	Ugostit. objekti	Ulica	Povrijeđeni
2011. godina	3349	3820	1163	666	391	364	2144	570
2012. godina	3634	4209	1190	708	469	354	2458	477
2013. godina	3312	3774	1108	635	338	328	2076	510
2014. godina	2757	3329	913	622	246	236	1710	467

Kako se može vidjeti iz prethodne analize, broj prekršaja javnog reda i mira je manji u odnosu na prethodnu godinu za 555 prekršaja ili 16,8%. Takođe, broj prekršaja javnog reda i mira, kao i broj prekršaja tučom, odnosno, fizičkim napadom na drugoga, je u stalnom opadanju od 2012. do 2014. godine.

Grafički prikaz prekršaja javnog reda i mira od 2011. do 2014. godine



Prekršaji su se u 1.710 slučajeva desili na ulici, u 236 slučajeva u ugostiteljskim objektima, u 20 slučajeva na sportskim stadionima i dvoranama, te u 791 slučaju na ostalim mjestima. Posljedice prekršaja su 467 povrijeđenih lica. Protiv 1.585 počinitelja prekršaja su izdati prekršajni nalozi, a protiv 1.743 počinitelja prekršaja podneseni su zahtjevi za pokretanje prekršajnih postupaka. Najviše prekršaja je evidentirano na područji PU Zenica (1.111), a najmanje na području PS Doboju Jug (21).

Stanje javnog reda i mira tokom 2014. godine prema vrstama i mjestu činjenja prekršaja po policijskim stanicama/upravama

PU/PS	Broj prekršaja JRM	Broj učinitelja	Svada, vika, neprikladno ponašanje	Tuče i fizički napadi	Narodito drsko ponašanje	Odbijanje narednja i omalovažavanje pol.sl	Ostali prekrš.	Ugostiteljski objekti	Ulice, trgovi, putevi i drugi otvoreni prostori	Stadioni i dvorane	Ostala mjesta
PU I (ZENICA)	1111	1111	87	322	241	109	352	57	805	4	245
PS VISOKO	256	341	37	109	75	13	22	7	141	-	108
PS KAKANJ	183	317	23	69	39	15	37	24	138	3	18
PS BREZA	101	122	1	50	23	10	17	22	78	-	1
PS ZAVIDOVIĆI	198	198	33	82	32	10	41	17	107	-	74
PS MAGLAI	125	180	11	10	26	13	65	10	56	1	58
PS ŽEPČE	250	347	25	92	80	41	12	13	136	6	95
PS TEŠANJ	392	538	21	138	71	28	134	65	188	3	136
PS USORA	24	29	2	9	6	-	7	3	5	1	15
PS DOBOJ JUG	21	25	-	8	4	-	9	8	4	-	9
PS OLOVO	41	58	2	4	14	-	21	4	8	2	27
PS VAREŠ	55	63	5	20	11	7	12	6	44	-	5
UKUPNO	2757	3329	247	913	622	246	729	236	1710	20	791

KRIMINALITET

Na području Zeničko-dobojskog kantona, tokom 2014. godine, evidentirano je 3.181 krivično djelo, od kojih 950 ili 29,9% po poznatom i 2.231 ili 70,1% po nepoznatom počiniocu. Naknadno su rasvijetljena 1.224 krivična djela ili 54,9%. Ukupna rasvijetljenost je 2.174 krivična djela ili 68,3%. Zbog postojanja osnova sumnje da su počinili krivična djela, prijavljeno je 2.614 lica od kojih 1.092 povratnika u vršenju krivičnih djela i 138 maloljetnika.

Stanje kriminaliteta tokom 2014. godine sa uporednim podacima

Period	Broj krivičnih djela	Po poznatom	Po nepoznatom	Rasvijetljeno po nepoznatom	Procenat rasvijetlj	Ukupna rasvijetlj	Procenat ukupne rasvijetlj	Br. prijavljenih lica	Maloljetnici	Povratnici
2011. godina	3836	1048	2788	1268	45,5%	2316	60,4%	2987	241	1091
2012. godina	3624	989	2635	1346	51,1%	2335	64,4%	2887	184	1351
2013. godina	3543	1029	2514	1340	53,3%	2369	66,9%	2782	170	1257
2014. godina	3181	950	2231	1224	54,9%	2174	68,3%	2614	138	1092


Kako se može vidjeti iz prethodnih podataka, broj krivičnih djela je manji u odnosu na prethodnu godinu za 362 krivična djela ili 10,2%. Rasvijetljenost po nepoznatom počiniocu je veća za 1,6% i ukupna rasvijetljenost je veća za 1,4 % u odnosu na prethodnu godinu.

Najviše krivičnih djela je zabilježeno na području PU Zenica (1.341), a najmanje na području PS Doboju Jug (32).


Pregled kriminaliteta tokom 2014. godine po policijskim stanicama/upravama

PODRUČJE	Broj krivičnih djela	Po poznatom	Po nepoznatom	Rasvijetljeno po nepoznatom	Procenat ukupne rasvijetljenosti po nepoznatom	Ukupno rasvijetljeno KD	Procenat ukupne rasvijetljenosti
PU I (ZENICA)	1341	187	1154	604	52,3%	791	59%
PS VISOKO	340	62	278	162	58,3%	224	65,9%
PS KAKANJ	314	109	205	122	59,5%	231	73,6%
PS BREZA	113	74	49	23	46,9%	97	78,9%
PS ZAVIDOVIĆI	220	114	106	65	61,3%	179	81,4%
PS MAGLAJ	175	72	103	63	61,2%	135	77,1%
PU ŽEPČE	100	41	59	26	44,1%	67	67%
PS TEŠANJ	263	91	172	106	61,6%	197	74,9%
PS USORA	44	8	36	20	55,6%	28	63,6%
PS DOBOJ JUG	32	21	11	7	63,6%	28	87,5%
PS OLOVO	95	54	41	18	43,9%	72	75,8%
PS VAREŠ	48	32	16	5	31,3%	37	77,1%
SJEDIŠTE	86	85	1	3	100%	88	100%
UKUPNO	3181	950	2231	1224	54,9%	2174	68,3%

Dijagram kriminaliteta u posljednje četiri godine



Dijagram rasvijetljenosti krivičnih djela



Kako se može vidjeti iz prethodna dva dijagrama, od 2011. do 2014. godine, prisutno je konstantno opadanje broja počinjenih krivičnih djela i povećavanje rasvijetljenosti krivičnih djela, kako po nepoznatom počiniocu, tako i ukupne rasvijetljenosti.


Maloljetnička delinkvencija

Tokom 2014. godine evidentirano je 138 maloljetnih počinilaca krivičnih djela, što je za 32 počinioaca ili 18,8% manje nego u prethodnoj godini.

Maloljetnici su prijavljeni za slijedeća krivična djela:

- „teška tjelesna povreda“ (3 počinioaca)
- „laka tjelesna povreda“ (2 počinioaca)
- „učestvovanje u tuči“ (2 počinioaca)
- „ugrožavanje sigurnosti“ (9 počinilaca)
- „silovanje“ (1 počinilac)
- „spolni odnošaj sa djetetom“ (2 počinioaca)
- „nasilje u porodici“ (3 počinioaca)
- „neovlaštena proizvodnja i stavljanje u promet opojnih droga“ (1 počinilac)
- „posjedovanje i omogućavanje uživanja opojnih droga“ (3 počinioaca)
- „krađa“ (32 počinioaca)
- „teška krađa“ (56 počinilaca)
- „razbojnička krađa“ (1 počinilac)
- „razbojništvo“ (2 počinioaca)
- „utaja“ (2 počinioaca)
- „oduzimanje tuđe pokretnine“ (2 počinioaca)
- „oštećenje tuđe stvari“ (7 počinilaca)
- „izazivanje opće opasnosti“ (2 počinioaca)
- „ugrožavanje javnog prometa opasnom radnjom“ (2 počinioaca)
- „teška krivična djela protiv sigurnosti javnog prometa“ (2 počinioaca)
- „nasilničko ponašanje“ (2 počinioaca)
- „nedozvoljeno držanje oružja ili eksplozivnih materija“ (1 počinilac)
- „krivotvorenje isprave“ (1 počinilac)

Dijagram maloljetničke delinkvencije u posljednje četiri godine



Maloljetnička delinkvencija predstavlja značajan problem za društvo, jer se maloljetnici sve češće pojavljuju kao počinioци težih imovinskih krivičnih djela, teških krađa i razbojništava, izazivanja opće opasnosti itd. Iz tog razloga, Ministarstvo je, u skladu sa postojećim zakonima, radilo prema Programu prevencije maloljetničke delinkvencije, koji je izrađen na državnom nivou.

ANALIZA STRUKTURE KRIVIČNIH DJELA

Struktura krivičnih djela prezentirana je po skupinama krivičnih djela prema Krivičnom zakonu BiH, skupinama krivičnih djela prema Krivičnom zakonu FBiH, te prema drugim posebnim zakonima.

Prema Krivičnom zakonu BiH, evidentirana su 4 krivična djela, prema Krivičnom zakonu FBiH evidentirano je 3.140 krivičnih djela, te prema drugim posebnim zakonima, u ovom slučaju prema Zakonu o nabavljanju, držanju i nošenju oružja i municije ZDK, evidentirano je 37 krivičnih djela.

Struktura krivičnih djela prema KZBiH

Red. br.	Naziv krivičnog djela po KZBiH	Januar – decembar 2013. godine		Januar – decembar 2014. godine	
		Ukupno KD	Rasvijetljenost KD	Ukupno KD	Rasvijetljenost KD
1.	KD protiv privrede čl.204-216 - krivotvorenje novca	4 4	50% 50%	4 4	50% 50%
2.	UKUPNO	4	50%	4	50%

Struktura krivičnih djela prema KZ FBiH i drugim posebnim zakonima

Red. br.	Naziv krivičnih djela po KZFBiH	Januar – decembar 2013. godine		Januar – decembar 2014. godine	
		Ukupno KD	Rasvijetljenost KD	Ukupno KD	Rasvijetljenost KD
1.	KD protiv ustavnog poretka čl.149-165	-	-	-	-
2.	KD protiv života i tijela čl.166-176 - ubistvo - ubistvo u pokušaju - protupravni prekid trudnoće - teška tjelesna povreda - laka tjelesna povreda - učestvovanje u tuči	131 8 4 - 80 31 8	99,2% 87,5% 100% - 100% 100% 100%	127 2 7 1 66 32 19	89,8% 100% 100% 100% 87,9% 96,9% 73,7%
3.	KD protiv slobode i prava čovjeka i građanina čl. 177-199 - protupravno lišenje slobode - zlostavljanje u obavljanju službe - ugrožavanje sigurnosti - narušavanje nepovredivosti doma - neovlašteno prisluškivanje i zvučno snimanje - izborna prevara	90 2 4 73 11 - -	95,6% 100% 100% 94,5% 100% - -	118 4 - 99 12 1 2	78% 100% - 74,7% 91,7% 0% 100%
4.	KD protiv dostojanstva ličnosti i morala čl.203-213 - silovanje - spolni odnošaj sa djetetom - bludne radnje - navođenje na prostituciju - iskorištavanje djeteta ili maloljetnika radi pornografije - upoznavanje djeteta s pornografijom - rodoskrvnuće	14 2 3 6 - 2 1 -	92,9% 100% 100% 83,3% - 100% 100% -	19 3 4 10 1 - - 1	89,5% 100% 100% 80% 100% - - 100%

5.	KD protiv braka , porodice i mlade čl.214-224	125	100%	114	100%
	- izvanbračna zajednica sa mladim maloljetnikom	-	-	2	100%
	- oduzimanje djeteta ili maloljetnika	-	-	2	100%
	- zapuštanje ili zlostavljanje djeteta ili maloljetnika	2	100%	2	100%
	- povreda porodičnih obaveza	1	100%	-	-
	- nasilje u porodici	122	100%	107	100%
	- izbjegavanje izdržavanja	-	-	1	100%
6.	KD protiv zdravlja ljudi čl.225-240	266	92,5%	218	86,7%
	- neovlaštena proizvodnja i stavljanje u promet opojnih droga	74	82,4%	55	81,8%
	- posjedovanje i omogućavanje uživanja opojnih droga	192	96,4%	163	88,3%
7.	KD protiv privrede, poslovanja i sigurnosti platnog prometa čl.241-272	11	100%	10	100%
	- oštećenje povjeritelja	1	100%	-	-
	- zloupotreba ovlasti u privrednom poslovanju	1	100%	-	-
	- prevara u privrednom poslovanju	2	100%	1	100%
	- krivotvorenje ili uništenje poslovnih ili trgovačkih knjiga ili isprava	-	-	1	100%
	- obmana pri dobijanju kredita ili drugih pogodnosti	7	100%	8	100%
8.	KD protiv radnih odnosa čl.279-285	2	100%	-	-
	- povreda prava iz radnog odnosa	2	100%	-	-
9.	KD protiv imovine čl.286-302	2062	46,2%	1822	51,2%
	- krađa	417	61,6%	490	56,7%
	- teška krađa	1338	37,1%	1005	40,9%
	- razbojnička krađa	6	50%	2	50%
	- razbojništvo	69	27,5%	74	59,5%
	- utaja	12	91,7%	23	100%
	- oduzimanje tuđe pokretne	21	28,6%	6	66,7%
	- oštećenje tuđe stvari	119	76,5%	110	70,9%
	- prevara	41	92,7%	63	82,5%
	- iznuda	9	100%	2	50%
	- ucjena	2	100%	-	-
	- lihvarstvo	-	-	1	100%
	- prevara povjeritelja	-	-	4	100%
	- prikrivanje	17	100%	26	100%
	- paljevina	11	18,2%	16	25%
10.	KD protiv okoliša, poljoprivrede i prirodnih dobara čl.303-322	207	87,9%	164	92,7%
	- šumska krađa	202	88,6%	161	93,3%
	- mučenje ili ubijanje životinje	3	33,3%	1	100%
	- protuzakoniti lov	1	100%	2	50%
	- protuzakoniti ribolov	1	100%	-	-
11.	KD protiv opće sigurnosti ljudi i imovine čl. 323-331	93	53,8%	69	47,8%
	- izazivanje opće opasnosti	78	50%	57	43,9%
	- uništenje ili oštećenje važnih privrednih objekata ili javnih naprava	10	70%	5	20%
	- oštećenje zaštitnih naprava na radu	1	100%	1	0%
	- nesavjesno čuvanje pasa i drugih opasnih životinja	4	75%	5	100%
	- teška krivična djela protiv opće sigurnosti ljudi i imovine	-	-	1	100%

12.	KD protiv sigurnosti i javnog prometa čl.332-337	137	98,5%	133	100%
	- ugrožavanje javnog prometa	21	100%	9	100%
	- ugrožavanje javnog prometa zbog omamljenosti	8	100%	2	100%
	- ugrožavanje javnog prometa opasnom radnjom	-	-	5	80%
	- nesavjestan nadzor nad javnim prometom	-	-	2	100%
	- teška krivična djela protiv sigurnosti javnog prometa	104	90,4%	109	98,2%
	- neukazivanje pomoći osobi povrijeđenoj u prometnoj nezgodi	4	75%	6	100%
13.	KD protiv pravosuđa čl.338-357	22	100%	11	90,9%
	- pripremanje krivičnog djela	1	100%	1	100%
	- neprijavljivanje pripremanja krivičnog djela	-	-	2	100%
	- pomoć učinitelju poslije učinjenog krivičnog djela	-	-	1	100%
	- lažno prijavljivanje	16	100%	6	83,3%
	- davanje lažnog iskaza	1	100%	-	-
	- sprječavanje dokazivanja	1	100%	1	100%
	- neizvršenje sudske odluke	3	100%	-	-
14.	KD protiv javnog reda i pravnog prometa čl.358-379	320	98,1%	314	98,4%
	- sprečavanje službene osobe u vršenju službene radnje	15	100%	8	87,5%
	- napad na službenu osobu u vršenju poslova sigurnosti	14	100%	19	100%
	- nasilničko ponašanje	73	100%	72	90,3%
	- neovlašteno bavljenje određenim zanimanjem	-	-	1	100%
	- skidanje ili povreda službenog pečata ili znaka	2	100%	7	100%
	- oduzimanje ili uništenje službenog pečata ili službenih spisa	1	100%	1	100%
	- lažno predstavljanje	1	100%	1	100%
	- samovlašće	4	100%	3	100%
	- nedozvoljeno držanje oružja ili eksplozivnih materija	66	100%	44	86,4%
	- krivotvorenje isprave	137	97,8%	150	100%
	- posebni slučajevi krivotvorenja isprave	2	100%	5	60%
	- ovjeravanje neistinitog sadržaja	1	100%	2	100%
	- povreda mira pokojnika	4	25%	1	0%
15.	KD podmićivanja i krivič. djela protiv služb. i druge odgovorne funkcije čl.380-392	31	100%	20	100%
	- primanje dara i drugih oblika koristi	1	100%	-	-
	- zloupotreba položaja ili ovlaštenja	23	100%	15	100%
	- pronevjera u službi	3	100%	1	100%
	- nesavjestan rad u službi	4	100%	3	66,7%
	- odavanje službene tajne	-	-	1	100%
16.	Ostala KD prema KZFBiH	3	100%	1	100%
17.	KD iz drugih posebnih Zakona (Zakon o nabavljanju, držanju i nošenju oružja i municije, čl.52. i čl.53.)	25	100%	37	81,1%
18.	UKUPNO	3539	66,9%	3177	68,4%

Krivična djela protiv života i tijela

Iz skupine krivičnih djela protiv života i tijela, definisanih Krivičnim zakonom FBiH, evidentirano je 127 krivičnih djela (131 u prethodnoj godini), a njihova rasvijetljenost je 89,8%. Od težih krivičnih djela iz ove skupine počinjena su 2 krivična djela "ubistvo", zatim 7 krivičnih djela "ubistvo u pokušaju", 66 krivičnih djela "teška tjelesna povreda", te 19 krivičnih djela "učestvovanje u tuči".

Za počinjenje krivičnih djela protiv života i tijela, Tužilaštvu je prijavljeno 150 lica, od kojih 69 povratnika u vršenju krivičnih djela i 7 maloljetnika. Slobode su lišena 54 lica i određena im je mjera zadržavanja do 24 sata.

Krivična djela protiv slobode i prava čovjeka i građanina

Iz skupine krivičnih djela protiv slobode i prava čovjeka i građanina, počinjeno je 118 krivičnih djela (90 u prethodnoj godini). Ukupna rasvijetljenost je 78%. Za navedena krivična djela prijavljeno je 150 lica, od kojih 59 povratnika i 9 maloljetnika. Slobode je lišeno 69 lica i određena im je mjera zadržavanja do 24 sata.

Krivična djela protiv spolne slobode i morala

U 2014. godini počinjeno je 19 krivičnih djela protiv spolne slobode i morala (14 u prethodnoj godini). Ukupna rasvijetljenost je 89,5%. Od težih krivičnih djela iz ove oblasti, prijavljena su 3 krivična djela „silovanje“, 4 krivična djela „spolni odnošaj s djetetom“, 1 krivično djelo „navođenje na prostituciju“ i 1 krivično djelo „rodoskrvnuće“, sva po poznatom počiniocu.

Za krivična djela iz ove skupine KD prema KZFBiH prijavljeno je ukupno 18 lica od kojih 3 povratnika i 3 maloljetnika. Slobode je lišeno 12 lica i određena im je mjera zadržavanja do 24 sata.

Kriminalistička policija je posebnu pažnju posvetila problematici seksualnog zlostavljanja djece, postupano je u skladu sa Državnom strategijom za borbu protiv nasilja nad djecom, te je poduzet niz operativno-taktičkih mjera i radnji u cilju razotkrivanja i dokumentiranja krivičnih djela, koje su rezultirale privođenjem, lišavanjem slobode i podnošenjem optužnica od strane Kantonalnog tužilaštva ZDK. S obzirom na starosnu dob oštećenih, vodilo se računa o strogoj diskreciji, kako bi se u javnosti zaštitio identitet žrtava seksualnog nasilja. Takođe je održano niz sastanaka sa centrima za socijalni rad i nevladinom organizacijom "Medica", radi pružanja profesionalne pomoći žrtvama, kao i radi eventualnog smještanja žrtava u "sigurnu kuću".

Krivična djela protiv braka, porodice i mladeži

Iz ove skupine počinjeno je 114 krivičnih djela (u prethodnoj godini 125), a rasvijetljenost je 100%. Od ukupnog broja ovih krivičnih djela, 107 su krivična djela "nasilje u porodici" (122 u prethodnoj godini). Za počinjenje krivičnih djela iz ove skupine, Tužilaštvu je prijavljeno 113 lica, od kojih 42 povratnika u činjenju krivičnih djela i 3 maloljetnika. Slobode je bilo lišeno 48 lica i za sva je bila određena mjera zadržavanja do 24 sata.

Tokom 2014. godine evidentirano je 177 slučajeva nasilja u porodici (195 u prethodnoj godini). Žrtve nasilja su u većini slučajeva bile supruge, djeca i roditelji, a počinioci nasilja su najčešće muževi, očevi i sinovi. Kako je prethodno navedeno, podneseno je 107 izvještaja Tužilaštvu, protiv 106 počinioca, od kojih 39 povratnika u činjenju krivičnih djela i 3 maloljetnika. Od strane tužilaštva je za 46 lica bila određena mjera zadržavanja do 24 sata. U ostalim slučajevima su poduzete druge zakonom predviđene mjere.

U ovoj oblasti kriminaliteta, postupano je u skladu sa Strategijom za prevenciju nasilja u porodici. Uspostavljena je dobra saradnja sa centrima za socijalni rad, te nevladinom organizacijom „Medica“ u cilju pružanja pomoći porodicama i žrtvama porodičnog nasilja.

Zloupotreba droga

U izvještajnom periodu počinjeno je 218 krivičnih djela protiv zdravlja ljudi (266 u prethodnoj godini) i sva se odnose na zloupotrebu droga. Počinjeno je 55 krivična djela "neovlaštena proizvodnja i stavljanje u promet opojnih droga" i 163 krivična djela "posjedovanje i omogućavanje uživanja opojnih droga". Ukupna rasvijetljenost je 86,7%. Za počinjenje ovih krivičnih djela prijavljeno je 195 lica od kojih 94 povratnika u vršenju krivičnih djela i 4 maloljetnika, 138 lica je lišeno slobode i određena im je mjera zadržavanja do 24 sata.

Policijski službenici ovog Ministarstva poduzimali su operativno-taktičke aktivnosti na terenu na težim slučajevima zloupotrebe droga, samostalno ili u saradnji sa policijskim službenicima drugih agencija za sprovođenje zakona (Državna agencija za istrage i zaštitu SIPA, Federalna uprava policije, Detašman FUP Zenica, CJB Doboj, MUP RS, Državna agencije za istrage regionalni ured Tuzla, Ministarstvo sigurnosti BiH, Sektor za međunarodnu operativnu policijsku saradnju, Odsjek NBC Interpol Sarajevo, Jedinica granične policije Neum, Ured Krimolovac), kao i sa Kantonalnim tužilaštvom ZDK, Tužilaštvom BiH, Općinskim sudom Zenica i Općinskim sudom Tešanj, u ukupno 35 slučajeva. U okviru tih aktivnosti sprovedene su operativno taktičke akcije „Zenit“, „Sigurnost“, „Pangea VII“, „Alf“, „Fokus“, „Arka RS“, prilikom kojih su vršene racije i pretresi stambenih i drugih objekata, što je rezultiralo lišavanjem slobode većeg broja počinilaca krivičnih djela i podnošenjem izvještaja tužilaštvima, te pronalaskom veće količine droge, oružja i drugih predmeta.

Radi poboljšanja stanja u ovoj oblasti kriminaliteta, kao mjera prevencije, u periodu oktobar-decembar 2014. godine je zavedena Kampanja „Zloupotreba opojnih droga i maloljetnička delinkvencija“, koja je imala za cilj povećanje svijesti mladih i ostalih osoba o posljedicama koje se pojavljuju usljed konzumiranja opojnih sredstava, te popularizaciju zdravih stilova života i očuvanje zdravog okruženja, suzbijanje i sprječavanje daljnjeg širenja zloupotrebe opojnih droga, davanje doprinosa prevenciji razvoja bolesti ovisnosti, smanjenje šteta po zajednicu nastalih zbog zloupotrebe opojnih droga, te smanjenje potražnje opojnih droga. Kampanja je realizirana u osmim i devetim razredima svih osnovnih škola, kao i u svim razredima svih srednjih škola na području Zeničko-dobojskog kantona.

Nedozvoljeni promet opojnim drogama smatra se jednom od najčešćih aktivnosti organiziranih kriminalnih grupa, te je neophodna saradnja svih agencija za sprovođenje zakona sa područja cijele BiH, kao i iz zemalja okruženja.

Krivična djela protiv privrede

Od krivičnih djela iz skupina koje obrađuju privredni kriminalitet, na području Kantona je tokom 2014. godine, evidentirano ukupno 301 krivično djelo, ukupne rasvijetljenosti 99,7%..

Od krivičnih djela protiv privrede, definisanih Krivičnim zakonom BiH, počinjena su ukupno 4 krivična djela „krivotvorenje novca“, a ukupna rasvijetljenost je 50%. Za ova krivična djela su prijavljena 4 lica. Slobode su lišena 2 lica i određena im je mjera zadržavanja do 24 sata.

Od krivičnih djela protiv privrede, poslovanja i sigurnosti platnog prometa, koja su definisana Krivičnim zakonom FBiH počinjeno je 10 krivičnih djela, a ukupna rasvijetljenost je 100%. Počinjeno je 1 krivično djelo „prevara u privrednom poslovanju“, 1 krivično djelo „krivotvorenje ili uništenje poslovnih ili trgovačkih knjiga ili isprava“ i 8 krivičnih djela „obmana pri dobijanju kredita ili drugih pogodnosti“. Za navedena krivična djela prijavljeno je 9 lica, od kojih 1 povratnik u vršenju krivičnih djela, a 1 lice je lišeno slobode.

Od krivičnih djela protiv pravosuđa, koja su definisana Krivičnim zakonom FBiH, evidentirano je 11 krivičnih djela. Ukupna rasvijetljenost je 90,9%. Počinjeno je 1 krivično djelo

„pripremanje krivičnog djela“, 2 krivična djela „neprijavljivanje pripremanja krivičnog djela“, 1 krivično djelo „pomoć učinitelju poslije učinjenog krivičnog djela“, 6 krivičnih djela „lažno prijavljivanje“ i 1 krivično djelo „sprječavanje dokazivanja“. Tužilaštvu je prijavljeno 7 lica, slobode su lišena 3 lica i određena im je mjera zadržavanja do 24 sata.

Od krivičnih djela podmićivanja i krivičnih djela protiv službene i druge odgovorne dužnosti definisanih Krivičnim zakonom FBiH, počinjeno je 20 krivičnih djela, a rasvijetljenost je 100%. Iz ove skupine, počinjeno je 15 krivičnih djela „zloupotreba položaja ili ovlaštenja“, 1 krivično djelo „pronevjera u službi“, 3 krivična djela „nesavjestan rad u službi“ i 1 krivično djelo „odavanje službene tajne“. Za ova krivična djela prijavljena su 32 lica, od kojih 3 povratnika u vršenju krivičnih djela. Slobode su lišene 3 osobe i određena im je mjera zadržavanja do 24 sata.

Iz skupine krivičnih djela protiv imovine, definisanih Krivičnim zakonom FBiH, počinjena su 23 krivična djela „utaja“, 63 krivična djela „prevara“, 1 krivično djelo „lihvarstvo“ i 4 krivična djela „prevara povjeritelja“. Rasvijetljenost ovih krivičnih djela je 90,1%. Za počinjenje navedenih krivičnih djela Tužilaštvu je prijavljeno 86 lica, od kojih 22 povratnika i 2 maloljetnika. Slobode je lišeno 9 lica i određena im je mjera zadržavanja do 24 sata.

Iz skupine krivičnih djela protiv javnog reda i pravnog prometa, definisanih Krivičnim zakonom FBiH, počinjeno je 7 krivičnih djela „skidanje ili povreda službenog pečata ili znaka“, 1 krivično djelo „oduzimanje ili uništenje službenog pečata ili službenog spisa“, 150 krivičnih djela „krivotvorenje isprave“, 5 krivičnih djela „posebni slučajevi krivotvorenja isprave“ i 2 krivična djela „ovjeravanje neistinitog sadržaja“. Rasvijetljenost ovih krivičnih djela je 100%. Za počinjenje navedenih krivičnih djela, Tužilaštvu je prijavljeno 189 lica od kojih 51 povratnik i 1 maloljetnik, slobode su lišena 3 lica i određena im je mjera zadržavanja do 24 sata.

Nije bilo evidentiranih krivičnih djela iz oblasti poreza i protiv radnih odnosa.

Odsjek za privredni kriminalitet i korupciju je radio na težim slučajevima iz ovih oblasti, te po nalogima i naredbama Tužilaštva i sudova, po nalogima agencija za provođenje zakona i zaprimljenim krimolovcima.

U izvještajnom periodu Odsjek za privredni kriminalitet i korupciju MUP-a ZDK u sjedištu je nadležnom Kantonalnom tužilaštvu ZDK podnio 18 izvještaja o izvršenim krivičnim djelima i otkrivanju počinitelja, protiv 43 fizička lica za počinjenih 58 krivičnih djela, 48 izvještaja o izvršenim provjerama, te je uzeto ukupno 506 pismenih izjava na zapisnik. Najčešći predmet provjera su bila lica za koje postoje osnovi sumnje da su počinila krivična djela "prevare", "krivotvorenje isprava", "zloupotrebe položaja ili ovlaštenja", "nesavjestan rad u službi", "pronevjera u službi" i "obmana pri dobijanju kredita ili drugih pogodnosti".

Krivična djela protiv imovine

Tokom 2014. godine počinjena su 1.822 krivična djela protiv imovine, (2.062 u prethodnoj godini). Ukupna rasvijetljenost je 51,2%. Iz ove skupine, od težih krivičnih djela počinjeno je 1.005 krivičnih djela "teške krađe" (1.338 u prethodnoj godini), 2 krivična djela "razbojnička krađa" (6 u prethodnoj godini), te 74 krivična djela "razbojništvo" (69 u prethodnoj godini). Za počinjenje imovinskih krivičnih djela, Tužilaštvu je prijavljeno 1.129 lica, od kojih 515 povratnika u vršenju krivičnih djela i 102 maloljetnika. Slobode je lišeno 355 lica, a za 354 je određena mjera zadržavanja do 24 sata.

Teške krađe


Od ukupnog broja krivičnih djela protiv imovine, najviše je krivičnih djela "teške krađe", 1.005, od kojih 28 po poznatom i 977 po nepoznatom počiniocu. Naknadno su rasvijetljene 383 ili 39,2%, a ukupna rasvijetljenost je 411 krivičnih djela ili 40,9%.

Podaci o teškim krađama tokom 2014. godine sa uporednim podacima

Period	Br.k.d. teške krađe	Po pozna- tom	Po nepo- znom	Rasvijet. po nepo- znom	Procenat rasvijet- ljenosti	Ukupna rasvijet- ljenost	Procenat ukupne rasvijet- ljenosti	Broj prija- vljenih	Malolje- tnici	Povra- tnici
2011. godina	1592	35	1557	561	36%	596	37,4%	894	101	390
2012. godina	1410	27	1383	612	44,2%	639	45,3%	746	66	456
2013.godina	1338	31	1307	465	35,6%	496	37,1%	622	72	358
2014. godina	1005	28	977	383	39,2%	411	40,9%	551	56	302


Broj teških krađa je u 2014. godini, u odnosu na prethodnu, manji za 333 teške krađe ili 24,9%. Zbog postojanja osnova sumnje da su počinili ova krivična djela, prijavljeno je 551 lice od kojih 302 povratnika u vršenju krivičnih djela i 56 maloljetnika.

Dijagram broja krivičnih djela teške krađe od 2011. do 2014. godine




Kako se može vidjeti iz prethodnog dijagrama i tabele, od 2011. do 2014. godine prisutno je konstantno smanjenje broja teških krađa. Kada je riječ o maloljetnim počiniocima ovih krivičnih djela, njihov udio u ukupnom broju teških krađa je 5,57%. U odnosu na prethodnu godinu, evidentno je smanjenje broja maloljetnih počinitelja teških krađa za 16 izvršilaca.

Grafički prikaz maloljetnih počinitelja teških krađa



Rasvjetljenost po nepoznatom počiniocu u 2014. godini veća je za 3,6%, a ukupna rasvjetljenost je veća za 3,8 %.

Grafički prikaz rasvjetljenosti krivičnih djela „teške krađe“ u posljednje četiri godine



Krađe automobila

Jedno od krivičnih djela teške krađe su krađe automobila. Tokom 2014. godine ukradena su 72 automobila, a od ukupnog broja ukradenih, pronađeno je 25. Od toga akcijama policijskih službenika vraćena su 23 automobila.

Ukradena vozila u periodu od 2011. do 2014. godine

Period	Januar	Februar	Mart	April	Maj	Juni	Juli	August	Septembar	Oktober	Novembar	Decembar	Ukupno ukradeno	Ukupno vraćeno	Vraćeno akcijom policije
2011.	3	5	4	1	1	2	12	11	6	6	6	9	66	19	16
2012.	1	4	5	4	4	5	5	5	2	5	10	2	52	30	29
2013.	8	7	7	9	2	9	10	7	3	6	4	5	77	34	34
2014.	2	5	5	7	14	4	7	7	8	6	3	4	72	25	23

Rasvijetljeno je 13 krivičnih djela krađa automobila, za koja je Tužilaštvu prijavljeno 18 lica, od kojih 6 povratnika u vršenju ovih krivičnih djela i 2 maloljetnika. Slobode je lišeno 9 lica, od kojih je za 7 lica bila određena mjera zadržavanja do 24 sata.

Sektor kriminalističke policije MUP-a Zeničko-dobojskog kantona je sačinio Plan rada na sprječavanju i otkrivanju krivičnih djela otuđenja putničkih motornih vozila na području ZDK, koji je sačinjen radi sprovođenja zajedničkih mjera i radnji od strane svih policijskih službenika MUP-a ZDK, a predviđena je i saradnja sa drugim agencijama za sprovođenje zakona iz susjednih kantona i cijele BiH. U skladu s tim, službenici Odsjeka za krim-obavještajni rad su izvršili analizu prijavljenih krivičnih djela otuđenja putničkih motornih vozila na području ZDK za period 2012. do 2014.godine, te su identificirali kriminalnu grupu koja je u kontinuitetu, organizovano i planski, na području Zeničko-dobojskog, kao i Tuzlanskog kantona, vršila otuđenja p.m.v., koja su nakon otuđenja, jednim dijelom za određeni novčani iznos, vraćali vlasnicima, a većinu p.m.v. su preko trećih lica sa područja TK i RS, prebacivali u Srbiju, Crnu Goru i Kosovo, na račun čega su uzimali opojnu drogu, koju su istim kanalima prebacivali nazad na područje TK i ZDK, te su je preko članova iste kriminalne grupe distribuirali krajnjim konzumentima. Shodno sačinjenoj analizi, a u saradnji sa policijskim službenicima TK, sačinjen je prijedlog za poduzimanje posebnih mjera, što je Kantonalno tužilaštvo TK podržalo, te je od Kantonalnog suda TK dobijena naredba za provođenje mjera i radnji prema ovoj kriminalnoj grupi. Dana 26.10.2014. godine, izvršeno je 19 pretresa na 19 lokacija. Slobode je lišeno 13 lica, koja su predana nadležnom tužilaštvu. Od strane Općinskog suda u Zenici je za 8 lica bila određena mjera pritvora u trajanju od mjesec dana. Prilikom pretresa, kod lica su pronađeni predmeti koji potiču iz krivičnih djela, isti su oduzeti, te su bili predmetom vještačenja.

Na području Kantona su evidentirane su i 132 teške krađe iz automobila (158 u prethodnoj godini), sa pričinjenom materijalnom štetom od 36.020,00 KM, zatim 369 teških krađa iz kuća i stanova (539 u prethodnoj godini) sa materijalnom štetom od 377.400,00 KM i 277 teških krađa iz poslovnih objekata (309 u prethodnoj godini), sa ukupnom materijalnom štetom od 324.780,00 KM.

Kako je prethodno navedeno, evidentirana su 74 krivična djela "razbojništvo", 3 po poznatom, 71 po nepoznatom počiniocu, od kojih je 41 naknadno rasvijetljeno, što znači da je ukupna rasvijetljenost ovih krivičnih djela 59,5%.

Krivična djela protiv okoliša, poljoprivrede i prirodnih dobara

Na području Zeničko-dobojskog kantona počinjena su ukupno 164 krivična djela protiv okoliša, poljoprivrede i prirodnih dobara (207 u prethodnoj godini), ukupna rasvijetljenost je 92,7%. Iz ove skupine počinjenao je 161 krivično djelo "šumska krađa", 1 krivično djelo „mučenje ili ubijanje životinje“ i 2 krivična djela „protuzakoniti lov“. Za navedena krivična djela, Tužilaštvu su prijavljena 204 lica, od kojih 117 povratnika u vršenju ovih krivičnih djela. Slobode je lišeno 5 lica i određena im je mjera zadržavanja do 24 sata.

Akcija "Šuma" koja je na području Kantona, u saradnji sa Kantonalnom upravom za šumarstvo, zavedena 23.08.2010. godine, i dalje je u toku. Za dvanaest mjeseci 2014. godine policijski službenici ovog Ministarstva su oduzeli ukupno 232,23 m³ drvene mase, a Kantonalnom tužilaštvu je podneseno 26 izvještaja o počinjenom krivičnom djelu, protiv 30 lica, zbog postojanja osnova sumnje da su počinili krivično djelo "šumska krađa" iz čl.316. KZ FBiH. U 66 slučajeva je oduzeta drvena masa manja od 2 m³, i protiv tih počinitelja je Kantonalna uprava za šumarstvo ZDK podnijela prekršajne naloge. Policijski službenici su, postupajući po ovoj Akciji, oduzeli 5 vozila i 2 motorne pile koje su korištene kao sredstvo izvršenja navedenih krivičnih djela.

Krivična djela protiv opće sigurnosti ljudi i imovine

Iz skupine krivičnih djela protiv opće sigurnosti ljudi i imovine, počinjeno je ukupno 69 krivičnih djela (93 u prethodnoj godini). Ukupna rasvijetljenost je 47,8%. Počinjeno je 57 krivičnih djela "izazivanje opće opasnosti", 5 krivičnih djela "uništenje ili oštećenje važnih privrednih objekata ili javnih naprava", 1 krivično djelo „oštećenje zaštitnih naprava na radu“, 5 krivičnih djela „nasavjesno čuvanje pasa i drugih opasnih životinja“ i 1 krivično djelo „teška krivična djela protiv opće sigurnosti ljudi i imovine“. Tužilaštvu je prijavljeno 48 lica, od kojih 21 povratnik u vršenju ovih krivičnih djela i 2 maloljetnika. Slobode je lišeno 17 lica i određena im je mjera zadržavanja do 24 sata.

Podmetanje eksplozivnih naprava

Tokom 2014. godine evidentirana su 2 slučaja podmetanja eksplozivnih naprava, na području PU Žepče i PS Zavidovići. Dana 24.02.2014. godine izvršen je KDZ uviđaj u mjestu Želeća, općina Žepče, a povodom eksplozije ručne bombe kojom prilikom je jedno lice zadobilo lakše tjelesne povrede, pri čemu je pričinjena i materijalna šteta od oko 500,00 KM. Dana 07. 09. 2014. godine, na području PS Zavidovići, u Ulici Maršala Tita, došlo je do eksplozije ručne bombe, pri čemu nije bilo nastradalih lica, a pričinjena je materijalna šteta na obližnjim ugostiteljskim objektima u iznosu od 1.200,00 KM.

Evidentirana su i 4 slučaja aktiviranja eksplozivnih naprava, i to na području PS Doboj Jug, kada je došlo do slučajnog aktiviranja eksplozivne naprave u pmv marke „Fiat“, od strane vlasnika automobila; zatim na području PU Zenica, mjesto Briznik, kada je došlo do aktiviranja ručne bombe prilikom rezanja sekundarnih sirovina; na području PU Zenica, mjesto Selište, kada je došlo do slučajnog aktiviranja ručne bombe; te na području PS Kakanj, u Ulici Patriotske lige 68, pri čemu su 2 lica zadobila teže tjelesne povrede. U svim slučajevima su poduzete zakonom predviđene mjere.

Krivična djela protiv sigurnosti javnog prometa

Iz skupine krivičnih djela protiv sigurnosti javnog prometa, počinjena su 133 krivična djela (u prethodnoj godini 131), a rasvijetljenost je 100%. Počinjeno je 9 krivičnih djela "ugrožavanje javnog promet", 2 krivična djela "ugrožavanje javnog prometa zbog omamljenosti", 5 krivičnih djela „ugrožavanje javnog prometa opasnom radnjom“, 109 krivičnih djela „teška krivična djela protiv sigurnosti javnog prometa“ i 6 krivičnih djela „neukazivanje pomoći osobi povrijeđenoj u prometnoj nezgodi“. Za navedena krivična djela, prijavljeno je 148 lica, od kojih 19 povratnika u vršenju krivičnih djela i 4 maloljetnika. Slobode je lišeno 19 lica, a za 15 je određena mjera zadržavanja do 24 sata.

Krivična djela protiv javnog reda i pravnog prometa

U 2014. godini počinjeno je 314 krivičnih djela protiv javnog reda i pravnog prometa, (320 u prethodnoj godini), a rasvijetljenost je 98,4%. Od težih krivičnih djela iz ove skupine, počinjeno je 8 krivičnih djela „sprječavanje službene osobe u vršenju službene radnje“, 19 krivičnih djela „napad na službenu osobu u vršenju poslova sigurnosti“, te 44 krivična djela „nedozvoljeno držanje oružja ili eksplozivnih materija“. Za krivična djela iz ove skupine, Tužilaštvu je prijavljeno 378 lica, od kojih 136 povratnika u vršenju krivičnih djela i 4 maloljetnika. Slobode su lišena 92 lica, a za 91 je određena mjera zadržavanja do 24 sata.

Na području Kantona, evidentirano je i 37 krivičnih djela prema čl. 52 Zakona o nabavljanju, držanju i nošenju oružja i municije ZDK (u prethodnoj godini 25). Rasvijetljenost je 81,1%. Za počinjenje navedenih krivičnih djela prijavljeno je 28 lica, od kojih 13 povratnika u vršenju ovih krivičnih djela. Slobode je lišeno 17 osoba i određena im je mjera zadržavanja do 24 sata.

Kriminalistička tehnika

Radeći na utvrđivanju činjenica i dokumentiranju krivičnih djela i drugim aktivnostima na području ZDK, službenici kriminalističke tehnike su izvršili 2.768 uviđaja, pri čemu su pronađena 10.803 traga od značaja za rasvijetljavanje krivičnih djela. Izvršeno je 915 vještačenja, lice mjesta je fotografirano u 2.620 slučajeva i daktiloskopirano je 120 lica. Po otiscima je identificirano 12 lica. Koristeći bazu AFIS utvrđen je identitet za 4 lica, a u bazu AFIS-a je uneseno 155 nespornih otisaka papilarnih linija.

Samoubistva

Tokom 2014. godine, na području Kantona je evidentirano 36 samoubistava (35 u prethodnoj godini). Po načinu izvršenja, 21 samoubistvo je izvršeno vješanjem, 11 vatrenim oružjem, a po jednom utapanjem, oštrim predmetom, skokom sa visine i bacanjem pod voz. Po spolnoj strukturi, 26 samoubistava su izvršili muškarci i 10 žene. Najviše samoubistava (po sedam) izvršile su osobe starosti od 50 do 60, od 60 do 70 i od 70 do 80 godina, pet u dobi od 30 do 40 godina, četiri od 25 do 30 godina, tri od 40 do 50 godina, dvije osobe su bile starije od 80 godina, a jedna mlađa od 18 godina.

Podaci o oružju

Tokom 2014. godine, na području Kantona je oduzeto slijedeće oružje: 7 automatskih pušaka, 2 poluautomatske, 1 puška M-48, 10 lovačkih, te 3 puške ostalih vrsta, 32 pištolja, 2 automatska pištolja, 4 tromblonske mine, 26 ručnih bombi, 45 komada raznih eksplozivnih naprava i sredstava (štapini, upaljači), 1.286 komada municije, 67 komada hladnog oružja, 7 boksera, 62 druga predmeta podesna za nanošenje povreda, te 110 komada petardi.

Dobrovoljno je predato slijedeće oružje: 3 automatske puške, 7 pušaka raznih vrsta, 27 ručnih bombi, 3 upaljača, 50 g klasičnog eksploziva, 1 okvir za AP, 28 komada drugih predmeta pogodnih za nanošenje povreda i 426 komada razne municije.

U izvještajnom periodu na području Kantona su izdata 1.244 odobrenja za nabavljanje oružja fizičkim licima (851 u prethodnoj godini), izdata su 1.422 oružna lista (1.201 u prethodnoj godini), te izvršeno 2.159 zamjena oružnih listova fizičkim licima, izdato 5 odobrenja za nabavljanje oružja za pravna lica, izdato 7 odobrenja za držanje oružja za pravna lica, izdato 9 odobrenja za držanje trofejnog oružja, oduzeto 226 komada oružja u upravnom postupku (160 u prethodnoj godini), te izdato 315 odobrenja za nabavku municije.

Požari i eksplozije

Inspektorat MUP-a ZDK je vršio uviđaj na 74 požara, od kojih je 31 požar bio na stambenim objektima, 23 na saobraćajnim sredstvima, 9 u pomoćnim objektima, 5 u poslovnim prostorima, 3 u proizvodnim objektima i 3 požara sijena.

Požari su u 44 slučaja bili izazvani podmetanjem, u 19 slučajeva tehničkim nedostatkom, u 9 slučajeva nehatom i u 2 slučaja uzrok požara nije utvrđen. Posljedice požara su neutvrđena materijalna šteta.

U izvještajnom periodu nije bilo evidentiranih tehničkih eksplozija.

Operativne aktivnosti policije

Tokom izvještajnog perioda zabilježeno je 1.537 slučajeva privođenja lica i tom prilikom su privedena 1.633 lica. Sprovedeno je 226 lica, zadržana su 1.432 lica i utvrđen je identitet za 11.417 lica. Izvršeno je 4.849 uviđaja, 1.756 pregleda lica, 250 pretresa stanova, 13 pretresa ugostiteljskih objekata, 605 pretresa motornih vozila i 108 pretresa drugih prostorija. Oduzeta su 1.824 predmeta, uhvaćena 23 odbjegla osuđenika i 17 lica po potjemici. Rasvijetljeno je ukupno 1.440 krivičnih djela. Sačinjene su 3.292 službene zabilješke koje sadrže sumnje za počinjenje krivičnih djela. Izvršeno je 3.039 provjera na zahtjev Tužilaštva i sudova i 3.203 provjere na zahtjev drugih organa. Pružena je 561 asistencija, od kojih 130 po zahtjevima državnih organa, 304 po zahtjevima organa i organizacija javnih ovlaštenja i 127 asistencija po ostalim zahtjevima. Izvršeno je 2.054 vanrednih i 7.567 redovnih osiguranja, te organizirano osiguranje 1.948 javnih skupova.

Protestni skupovi, štrajkovi, blokade

Tokom 2014. godine, na području Zeničko-dobojskog kantona, evidentirano je ukupno 56 protestnih skupova (34 u prethodnoj godini).

U periodu od 06. do 12.02.2014. godine održana su 24 protestna skupa, od kojih na području PU Zenica je evidentirano 5 skupova na kojima je učestvovalo oko 7.000 građana, na području PS Zavidovići 3 skupa uz učešće 5.000 građana, na području PS Visoko 3 skupa na kojima je učestvovalo 3.100 građana, na području PS Kakanj 5 skupova na kojima je učestvovalo 930 građana, na području PS Maglaj evidentirana su 4 protestna skupa uz učešće 440 građana, na području PS Breza su evidentirana 2 skupa na kojima je učestvovalo 350 građana, zatim PS Tešanj 1 protestni skup na kojem je učestvovalo 300 građana i PU Žepče 1 skup na kojem je učestvovalo 30 građana. Na područjima PS Doboj Jug, PS Usora, PS Olovo i PS Vareš nije bilo protestnih okupljanja građana. Na područjima PS Tešanj, PS Maglaj, PU Žepče i PS Breza su održani mirni protesti građana, dok je na područjima PU Zenica, PS Visoko, PS Kakanj i PS Zavidovići došlo do narušavanja javnog reda i mira, povređivanja policijskih službenika i građana, te do uništavanja javne i privatne imovine. Utvrđeno je da je na ukupno 58 objekata nastala materijalna šteta (zgrade RMK, Općine Zenica, Općine Visoko, Općine Kakanj, Općine Zavidovići, Elektro distribucije Zenica, zatim na 2 vozila Vlade, 1 vozilo općine Zenica, 25 vozila građana, 5 vozila MUP-a ZDK itd.).

Povrijeđeno je ukupno 47 policijskih službenika od kojih je 5 zadobilo teže tjelesne povrede, 59 građana je zadobilo lakše tjelesne povrede, od kojih je bilo 7 medicinskih tehničara, 4 vatrogasca i 1 novinar, koji su povrijeđeni prilikom pružanja pomoći drugim povrijeđenim licima, te prilikom gašenja požara.

U navedenom periodu je bilo angažirano 1.367 policijskih službenika, od kojih je 87 bilo u stalnoj pripravnosti u policijskim stanicama. Prema licima koja su vršila napade na objekte i policijske službenike koji su ih štitili, policija je primjenila odgovarajuću upotrebu sile i hemijskih sredstava. Od strane formiranih timova poduzete su mjere i radnje na identificiranju

lica koja su učestvovala u vršenju nezakonitih radnji za vrijeme protestnih okupljanja, te je ukupno bilo lišeno slobode 58 lica od kojih 7 maloljetnika. Od ukupnog broja lica lišenih slobode, 54 lica su lišena slobode na području PU Zenica, 2 lica na području PS Kakanj, 1 lice na području PS Visoko i 1 lice na području PS Zavidovići.

Kantonalnom tužilaštvu ZDK podnesen je izvještaj protiv 54 učesnika u demonstracijama, od kojih je bilo 17 povratnika u vršenju krivičnih djela i 7 maloljetnika. Izvještaj je podnesen zbog počinjenja krivičnih djela „ugrožavanje sigurnosti“, u vezi sa čl. 293. KZ FBiH „Oštećenje tuđe stvari“, čl. 328 KZ FBiH „Teška krivična djela protiv opće sigurnosti ljudi i imovine“, čl. 359. KZ FBiH „Napad na službenu osobu u vršenju poslova sigurnosti“ i čl. 54 KZ FBiH „Sticaj krivičnih djela“. Od navedenog broja, 46 lica je bilo lišeno slobode i određena im je mjera zadržavanja do 24 sata. U mjesecu martu je nastavljen rad na identifikaciji osumnjičenih zbog krivičnih djela „napad na službenu osobu u vršenju poslova sigurnosti“, „teška krivična djela protiv opće sigurnosti ljudi i imovine“ i „oštećenje tuđe stvari“. Dana 11.03.2014. godine dostavljen izvještaj Kantonalnom tužilaštvu Zenica protiv 15 osumnjičenih. O navedenim događajima, posljedicama i poduzetim mjerama, Ministarstvo je sačinilo posebnu Informaciju.

Tokom godine, evidentirana su još 32 protestna skupa, i to na području PU Zenica 16 (PS centar 14, PS Nemila 2), PS Maglaj 7, PU Žepče 4, PS Tešanj 3, PS Visoko 1 i PS Vareš 1. U 26 slučajeva protesti su bili mirni i u 6 slučajeva blokade puteva. Protesti su bili održani u organizaciji Plenuma građana Zenice, studenata UNZE, porodilja, radnika poduzeća ŽGP Zenica, mještana Željeznog Polja, Plenuma građana Tešnja, Ekoforuma građana Zenice, dok su blokade puteva bile u organizaciji MZ Domislica i mještana Begovog Hana. Na protestima je učestvovalo od 10 do 200 učesnika. Do narušavanja javnog reda i mira je došlo u 1 slučaju, na području PU Žepče, prilikom blokade puta od strane mještana Begovog Hana, te je u vezi s tim podnesen Izvještaj o prekršaju.

Stanje prirodne nesreće

U mjesecu maju 2014. godine je na području Zeničko-dobojskog kantona bilo proglašeno stanje elementarne nepogode i policija je poduzela sve aktivnosti u skladu sa svojim ovlaštenjima. Povodom nastale situacije, formiran je Krizni štab sa zadatkom da sačini procjenu stanja bezbjednosti ljudi i imovine, te da rukovodi prilikom poduzimanja mjera iz nadležnosti Ministarstva. Bilo je uspostavljeno 24-satno aktivno dežurstvo rukovodećih službenika koji su pratili stanje bezbjednosti ljudi i imovine i iz Operativnog centra koordinirali poduzimanje mjera i radnji svih organizacionih jedinica Ministarstva. S tim u vezi, sa aspekta Ministarstva unutrašnjih poslova, sačinjena je posebna Informacija o stanju nakon majsko-junskih i julsko-augustovskih poplava, sa analizom poduzetih mjera i aktivnosti na sanaciji šteta, te pregledom utrošenih sredstava. Navedena Informacija dostavljena je Stručnoj službi Vlade 26.08.2014. godine.

Napadi na policijske službenike

Tokom 2014. godine, zabilježeno je 47 napada na policijske službenike (12 u prethodnoj godini), od kojih 14 pojedinačnih, 2 grupna napada sa udružena 2 lica i 31 grupni napad sa udruženih tri i više lica. Napadi su se desili prilikom održavanja ili uspostavljanja javnog reda i mira (32), prilikom kontrole saobraćaja (6), prilikom privođenja i zadržavanja lica (3), prilikom utvrđivanja identiteta (1), prilikom lišavanja slobode (1), prilikom sprovođenja lica (1), prilikom zaticanja lica u vršenju krivičnog djela (1), te prilikom poduzimanja ostalih radnji (2). Napadi su se desili od strane 20 poznatih i 110 NN napadača (tokom februarskih demonstracija građana), uz upotrebu oruđa i predmeta u 30 slučajeva i fizičke snage u 17 slučajeva.

U napadima je povrijeđeno 66 policijskih službenika, od kojih je 61 zadobio lakše, a 5 policijskih službenika teže povrede. Protiv napadača je podneseno 11 izvještaja Tužilaštvu o

U napadima je povrijeđeno 66 policijskih službenika, od kojih je 61 zadobio lakše, a 5 policijskih službenika teže povrede. Protiv napadača je podneseno 11 izvještaja Tužilaštvu o počinjenim krivičnim djelima, 1 zahtjev za pokretanje prekršajnog postupka, te 1 prekršajni nalog.

BEZBJEDNOST SAOBRAĆAJA

Tokom 2014. godine, na području Kantona, evidentirano je 4.411 saobraćajnih nezgoda u kojima su smrtno stradale 24 osobe, dok su povrijeđene 862, od kojih 165 teže i 697 lakše.

Najviše saobraćajnih nezgoda je evidentirano na području PU Zenica (1.845), a najmanje na području PS Vareš (46). Uzroci većine saobraćajnih nezgoda su neprilagođena brzina uslovima puta, odnosno nepoštivanje saobraćajnih propisa, te vožnja pod dejstvom alkohola.

Stanje u oblasti bezbjednosti saobraćaja tokom 2014. godine po policijskim upravama/stanicama


PODRUČJE	Broj saobraćajnih nezgoda	Lakše povrijeđeni	Teže povrijeđeni	Smrtno stradali
PU I (ZENICA)	1845	201	47	6
PS VISOKO	476	127	25	1
PS KAKANJ	447	44	11	-
PS BREZA	138	21	1	-
PS ZAVIDOVIĆI	222	49	13	5
PS MAGLAJ	185	30	17	2
PU ŽEPČE	313	58	22	6
PS TEŠANJ	513	98	12	4
PS USORA	58	12	3	-
PS DOBOJ JUG	61	13	7	-
PS OLOVO	107	23	6	-
PS VAREŠ	46	21	1	-
UKUPNO	4411	697	165	24

Broj saobraćajnih nezgoda je u 2014. godini, u odnosu na prethodnu, veći za 286 nezgoda ili 6,9%. Broj smrtno stradalih manji je za 4 lica ili 14,3%, broj teže povrijeđenih lica manji je za 17 lica ili 9,3%, dok je broj lakše povrijeđenih lica veći za 33 lica ili 5%. Iz toga se može zaključiti da se povećanje odnosi na saobraćajne nezgode sa lakšim posljedicama, odnosno na saobraćajne nezgode sa lakše povrijeđenim licima i sa materijalnom štetom.


Stanje bezbjednosti saobraćaja tokom 2014. godine sa uporednim podacima

	Broj saobraćajnih nezgoda	Broj lakše povrijeđenih lica	Broj teže povrijeđenih lica	Broj smrtno stradalih lica
2011. godina	3979	715	175	27
2012. godina	4027	600	131	20
2013. godina	4126	664	182	28
2014. godina	4411	697	165	24

Grafički prikaz broja saobraćajnih nezgoda



Dijagram broja smrtno stradalih lica



U narednoj tabeli je predstavljeno stanje u saobraćaju prema kategoriji puta tokom 2014. godine u poređenju sa tri prethodne godine.


Broj saobraćajnih nezgoda i posljedice prema kategoriji puta

		Broj saobraćajnih nezgoda				Posljedice saobraćajnih nezgoda											
						Smrtno stradala lica				Teže povrijeđena lica				Lakše povrijeđena lica			
GODINA		2011.	2012.	2013.	2014.	2011.	2012.	2013.	2014.	2011.	2012.	2013.	2014.	2011.	2012.	2013.	2014.
Kategorija puta	Magistralni put	774	689	642	728	13	11	7	11	53	32	51	63	168	151	112	179
	Regionalni put	482	420	505	597	7	3	9	9	32	15	41	29	142	115	151	145
	Lokalni put	676	668	710	679	6	2	4	1	42	36	38	31	152	127	152	135
	Ulice u naselju	1678	1930	1876	1944	-	1	4	2	44	37	49	36	215	172	205	202
	Ostalo	369	320	393	463	1	3	4	1	4	11	3	6	38	35	44	36
UKUPNO		3979	4027	4126	4411	27	20	28	24	175	131	182	165	715	600	664	697

Kako se vidi iz tabele, najviše nezgoda se dogodilo na ulicama u naseljima (1.944), što se može opravdati stanjem saobraćajne infrastrukture u naseljenim mjestima i činjenicom da je veliki broj saobraćajnica u gradovima bio u fazi renoviranja ili izgradnje, pa se saobraćaj usmjeravao alternativnim ulicama koje nisu bile adekvatno uređene.

Najviše smrtno stradalih lica je bilo na magistralnim putevima (11). Od ukupnog broja nastradalih, vozača je 386, putnika u vozilima je 323 i pješaka 176. Smrtno je stradalo 11 vozača, od kojih 6 van naselja i 5 u naselju, zatim 9 pješaka, od kojih 6 u naselju i 3 van naselja, te 4 putnika u vozilima, od kojih 2 van naselja i 2 u naselju.

Dijagram broja saobraćajnih nezgoda od 2011. do 2014. godine prema kategoriji puta



Od ukupnog broja saobraćajnih nezgoda, 86,2% su nezgode sa materijalnom štetom, 10,2% su nezgode sa lakše povrijeđenim licima, 3,2% su nezgode sa teže povrijeđenim licima i 0,5% su nezgode sa smrtno stradalim licima.

Aktivnosti policije u oblasti bezbjednosti saobraćaja

U izvještajnom periodu je ukupno kontrolisano 126.013 vozila, odnosno vozača i 23.287 drugih lica u vozilima. Podneseno je 133 izvještaja Tužilaštvu zbog počinjenih krivičnih djela u saobraćaju, podnesena su 463 zahtjeva za pokretanje prekršajnog postupka i izdato 69.775 prekršajnih naloga.

Podaci o aktivnostima policije u oblasti bezbjednosti saobraćaja tokom 2014. godine u poređenju sa prethodnom godinom

Red. br.	AKTIVNOSTI POLICIJE U OBLASTI BEZBJEDNOSTI SAOBRAĆAJA	2013. godina	2014. godina
1.	Kontrolisano vozila/vozača	143.916	126.013
2.	Kontrolisano lica u vozilima	36.927	23.287
3.	Podneseno krivičnih prijava zbog izvršenih KD ugrožavanja bezbjednosti saobraćaja	137	133
4.	Podneseno zahtjeva za pokretanje prekršajnog postupka	483	463
5.	Broj izdatih prekršajnih naloga	82.129	69.775
6.	Isključeno vozila iz saobraćaja zbog tehničke neispravnosti	466	580
7.	Zatečeno vozača pod dejstvom alkohola	3.530	2.826
8.	Zatečeno vozača bez položenog vozačkog ispita	1.185	922
9.	Zatečeno vozača pod izrečenom zaštitnom mjerom zabrane upravljanja motornim vozilima	66	38
10.	Zatečeno vozača bez korištenja sigurnosnog pojasa	2.770	1.834
11.	Zatečeno vozača koji koriste mobitel tokom vožnje	390	274
12.	Otkriveno vozila bez važeće registracije	1.648	1.512

Realizacija izvršenja novčanih kazni (u KM) po Zakonu o osnovama bezbjednosti saobraćaja na putevima u BiH

Godina	Izrečeno troškova	Izrečeno kazni	Izrečeno takse	Ukupno izrečeno	Ukupno plaćeno	Procenat izvršenja
2013.	36.107,02	4.044.409,00	379.380,00	4.459.896,02	3.182.025,22	71,35%
2014.	132.429,61	3.423.981,40	478.700,00	4.035.111,01	2.194.305,85	54,38%

Tokom godine fiksni radari Donja Vraca (Zenica), Šije (Tešanj), Goliješnica (Žepče) i Misurići (Maglaj), te mobilni radari na područjima PU Zenica i PS Maglaj, evidentirali su ukupno 68.395 prekršaja. Od toga, 24.403 prekršaja počinili su vozači koji su upravljali vozilima sa bosanskohercegovačkim registarskim tablicama i njihova ukupna naplativost je 945.550,00 KM. Vozači sa stranim registarskim tablicama počinili su 43.992 prekršaja i njihova ukupna moguća naplativost je 1.728.020,00 KM.

Broj prekršaja evidentiranih radarima i iznosi za naplatu u poređenju sa podacima iz prethodne godine

PERIOD	Vozila sa bh. registarskim tablicama		Vozila sa stranim registarskim tablicama	
	Broj prekršaja	Iznos za naplatu	Broj prekršaja	Moguća naplativost
2013. godina	21.830	818.090,00 KM	44.623	1.740.760,00 KM
2014. godina	24.403	945.550,00 KM	43.992	1.728.020,00 KM

Tokom 2014. godine je bilo zavedeno ukupno 37 akcija pojačane kontrole učesnika u saobraćaju i to 6 akcija „Prisustvo alkohola u organizmu vozača“, 6 akcija „Nelegalan taksi prevoz“, 1 akcija „Kontrola učesnika u javnom prevozu putnika i đaka“, 2 akcije „Mladi vozači početnici i vozači mlađe starosne dobi“, 3 akcije „Vozila sa inostranim registarskim oznakama“, 1 akcija „Nepropisno preticanje i brzina kretanja vozila“, 1 akcija „Oštećena, dotrajala i neregistrovana vozila“, 1 akcija „Kontrola korištenja odgovarajuće zaštitne kacige za vrijeme vožnje“, 1 akcija „Zloupotreba reg. tablica i važnost registracije vozila“, 1 akcija „Tehnička ispravnost motornih vozila“, 1 akcija „Zloupotreba registarskih tablica i važnost registracije vozila“, 1 akcija „Vozila sa zatamnjanim staklima“, 1 akcija „Kretanje pješaka i obaveze vozača prema pješacima“, te 12 akcija „Mirujući saobraćaj“. Akcije su ukupno trajale 120 dana, dok je akcija „Mirujući saobraćaj“ bila zvedena kontinuirano tokom cijele godine i „Nelegalan taxi prevoz“, kontinuirano tokom druge polovine godine.

ZAKLJUČAK

Kako se može vidjeti iz prezentirane analize, bezbjednosnu situaciju tokom 2014. godine, u poređenju sa prethodnom godinom karakteriše sljedeće:

- U oblasti javnog reda i mira, broj prekršaja je manji za 555 prekršaja ili 16,8%, broj tuča, odnosno fizičkih napada na drugoga je manji za 195 prekršaja ili 17,6%, broj prekršaja javnog reda i mira naročito drskim ponašanjem je manji za 13 prekršaja ili 2%, dok je broj prekršaja omalovažavanjem policijskih službenika manji za 92 prekršaj ili 27,2%, te je broj povrijeđenih lica je manji za 43 lica ili 8,4%.
- U oblasti kriminaliteta, broj krivičnih djela je manji za 362 krivična djela ili 10,2%. Rasvijetljenost po nepoznatom počiniocu je veća za 1,6% i ukupna rasvijetljenost je veća za 1,4 %. Maloljetnička delinkvencija je manja za 18,8%, broj KD „teške krađe“ je manji za 333 teške krađe ili 24,9%, a njihova rasvijetljenost po nepoznatom počiniocu je veća za 3,6% i ukupna rasvijetljenost je veća za 3,8%. Evidentirana su 2 krivična djela „ubistvo“, koja su rasvijetljena, a rasvijetljeno je i 1 ubistvo iz prethodnog perioda.
- U oblasti bezbjednosti saobraćaja, broj nezgoda je veći za 286 nezgoda ili 6,9%. Broj smrtno stradalih manji je za 4 lica ili 14,3%, broj teže povrijeđenih lica manji je za 17 lica ili 9,3%, dok je broj lakše povrijeđenih lica veći za 33 lica ili 5%. Iz toga se može zaključiti da se povećanje odnosi na saobraćajne nezgode sa lakšim posljedicama, odnosno na saobraćajne nezgode sa lakše povrijeđenim licima i sa materijalnom štetom.

Kako je prethodno navedno u ovoj Informaciji, u mjesecu februaru 2014. godine je na području Zeničko-dobojskog kantona došlo do narušavanja javnog reda i mira u većem obimu. O svim događajima, koji su doveli do ugrožavanja bezbjednosne situacije i poduzetim mjerama od strane MUP-a ZDK, sačinjena je detaljna Informacija koja je prezentirana na 53. sjednici Skupštine ZE-DO kantona, kao i na 38. sjednici Nezavisnog odbora za izbor i reviziju. U Zaključku Skupštine je navedeno da se Informacija prima na znanje, i da Skupština ZDK smatra da građani BiH i ZDK imaju pravo na mirne i nenasilne proteste, ali da se najoštrije osuđuje atak na državne institucije i nasilje koje vodi u anarhiju. U Zaključku Nezavisnog odbora je rečeno da je postupanje policije u navedenoj situaciji bilo krajnje profesionalno i zakonito. Odbor je konstatovao da je pravo građana na iskazivanje nezadovoljstva iskorišteno od manje grupe ljudi za napad na policijske službenike i nanošenje materijalne štete na imovini Kantona i općine Zenica, kao i drugih javnih i privatnih institucija, te na privatnoj imovini. Nezvisni odbor je dao punu podršku Ministarstvu na provedbi zakona i osiguranju života i zdravlja građana, kao i na osiguranju njihove imovine.

U mjesecu maju je na području Zeničko-dobojskog kantona bilo proglašeno stanje prirodne nesreće i policija je poduzela sve aktivnosti u skladu sa svojim ovlaštenjima. Povodom nastale situacije, formiran je Krizni štab sa zadatkom da sačini procjenu stanja bezbjednosti ljudi i imovine, te da rukovodi prilikom poduzimanja mjera iz nadležnosti ovog Ministarstva. Bilo je uspostavljeno 24-satno, aktivno dežurstvo rukovodnih službenika, koji su pratili stanje

bezbjednosti ljudi i imovine i koordinirali poduzimanje mjera i radnji svih organizacionih jedinica Ministarstva.

Analiziranjem stanja bezbjednosti, može se zaključiti da je policija u kriznim situacijama procijenila stanje na terenu i postupila profesionalno i zakonito, u skladu sa svojim ovlaštenjima, te je u slučaju narušavanja javnog reda i mira u većem obimu, primjenom odgovarajuće upotrebe sile, uspjela smiriti neredu i eskalaciju sukoba demonstranata i policije, a u slučaju proglašenja prirodne nesreće, mobilizirala sve raspoložive resurse u svrhu pružanja pomoći stanovništvu i sprječavanja kriminala, te je takvim postupanjem, kao i poduzimanjem ukupnih aktivnosti u toku 2014. godine, uspjela bezbjednosnu situaciju učiniti zadovoljavajućom.

MJERE KOJE ĆE MINISTARSTVO PODUZIMATI U NAREDNOM PERIODU RADI POBOLJŠANJA RADA

Ministarstvo unutrašnjih poslova Zeničko-dobojskog kantona će raditi na daljem efikasnom provođenju mjera iz Akcionog plana za 2015. godinu, kao i na intenzivnijoj kontroli i nadzoru izvršavanja svih poslova i zadataka iz svoje nadležnosti. Na osnovu procjene bezbjednosne situacije na području Kantona, Ministarstvo će planirati i izvršavati slijedeće poslove i zadatke:

Normativno-pravna oblast

U narednom periodu je neophodno raditi na donošenju slijedećih propisa:

- Zakon o unutrašnjim poslovima Zeničko-dobojskog kantona
- Zakon o javnim skupovima Zeničko-dobojskog kantona
- Podzakonski propisi čiji osnov za donošenja je sadržan u Zakonu o policijskim službenicima Zeničko-dobojskog kantona
- Izrada, izmjena i dopuna pravilnika, instrukcija, upustava, tehničkih upustava i drugih propisa koji se tiču zaštite podataka i prenosa informacija.

Ljudski resursi

MUP-a ZDK je sve obaveze i zadatke iz svoje nadležnosti obavljao sa ukupno 1.010 policijskih službenika, 52 državna službenika i 407 namještenika. Važećim Pravilnikom o unutrašnjoj organizaciji i sistematizaciji, predviđeno je angažiranje 1.235 policijskih službenika, 72 državna službenika i 492 namještenika, što znači da Ministarstvu nedostaje 225 policijskih i 20 državnih službenika, te 85 namještenika.

	Pol. službenici	Drž. službenici	Namještenici	Ukupno
Predviđeno po sistematizaciji	1.235	72	492	1.799
Zaposleni na dan 31.12.2014.	1.010	52	407	1.469
Postotak popunjenosti	81,78%	72,22%	82,72%	81,65%

Na osnovu iskustava stečenih iz prethodnih godina, kao i iz objektivnog sagledavanja cjelokupne sigurnosne situacije na području Kantona, te potreba za stručnim i profesionalnim osposobljavanjem policijskih službenika, planira se realizirati sljedeće:

- Koordinacija aktivnosti u vezi sa obukom policijskih službenika putem odgovarajućih seminara i kurseva u organizaciji FMUP-a, Policijske akademije Sarajevo, kao i drugih institucija, nevladinih i međunarodnih organizacija;

- Praćenje praktičnog dijela obuke kadeta Policijske akademije Sarajevo, ukoliko dođe do dodatnog zapošljavanja policijskih službenika tokom 2015. godine;
- Provjera znanja policijskih službenika iz oblasti zakonskih i podzakonskih propisa čije odredbe se odnose na bezbjednost saobraćaja;
- Provjera fizičkih sposobnosti policijskih službenika;
- Obuka o rukovanju oružjem i izvođenje bojevog gađanja;
- Kontinuirana godišnja obuka policijskih službenika u skladu sa Planom za 2015. godinu.

Materijalno-tehnički resursi i projekti koji će se razvijati

Potrebno je nastaviti rad na nabavci i instaliranju savremenije opreme za rad policije, na uvođenju novih tehnologija, osavremenjavanju forenzičke laboratorije, raditi na rekonstrukciji informatičke mreže MUP-a u sjedištu i po policijskim stanicama, kao i na organizovanju, projektovanju, razvoju, implementaciji i održavanju projekata, baza podataka i aplikacija od značaja za Ministarstvo: Civilni registar-novi koncept standarda EU (unapređeni raniji "Cips-projekat"), izdavanje dokumenata, SDH mreža za prenos podataka, registar novčanih kazni i prekršajnih evidencija, sistem za biometrijske pasoše, krim-analitičke baze, zakonito presretanje komunikacija, baza oružja građana, potražna djelatnost, baza saobraćajnih nezgoda, računarsko vođenje stacionarnih radara, te proširenje projekta "stacionarnih i mobilnih radara", WAN/LAN idejni projekat za rekonstrukciju fizičkog dijela mreže MUP-a u sjedištu i PU/PS, videonadzor glavnih saobraćajnica, razne baze podataka itd.

Strategije koje će se primjenjivati

Ministarstvo će nastaviti aktivnosti prema donesenim i utvrđenim državnim strategijama, te započetim programima i projektima kao što su Državna strategija borbe protiv organizovanog kriminala i korupcije, Državna strategija borbe protiv terorizma, Državni akcioni plan za borbu protiv zloupotrebe opojnih droga, Prevencija i suzbijanje maloljetničke delinkvencije u BiH, te Državna strategija za borbu protiv nasilja nad djecom. Nastavit će se sa projektima "Rad policije u zajednici", „Policijac u školi“, „Forum građana povratnika“ itd. Takođe će se i dalje raditi na redovnom obavještanju javnosti o svim aktivnostima Ministarstva.

Saradnja sa tužilaštvima, sudovima i drugim agencijama za provođenje zakona

Nastaviće se saradnja sa Ministarstvom pravde, MINISTARSTVOM ZA PRAVOSUĐE I UPRAVU zdk, odnosno Kantonalnim tužilaštvom i sudovima, Federalnim tužilaštvom, te Tužilaštvom BiH i Sudom BiH. Ova saradnja se odvija u okviru odredbi Zakona o krivičnom postupku FBiH i Uputstva o postupanju i saradnji policijskih službenika i tužilaca u provođenju radnji dokazivanja u toku istrage, te se prilikom procesuiranja svakog krivičnog djela počinjenog na području Kantona, zajedno sa tužilaštvima i sudovima organizuje rad na vršenju uviđaja, prikupljanju materijalnih dokaza i otkrivanju i privođenju počinitelja krivičnih djela. Sve naredbe i nalozi tužilaštva i sudova se odmah operativno realiziraju i o tome se istima dostavljaju propisani izvještaji i informacije.

Takođe će se nastaviti rad i saradnja sa drugim agencijama za provođenje zakona, prvenstveno sa FMUP-om, Federalnom upravom policije, [SIPA-om, MUP-ovima drugih kantona, MUP-om RS, kao i sa Kazneno popravnim zavodom Zenica, Kantonalnom upravom za inspeksijske poslove, Ministarstvom zdravstva, te drugim ministarstvima i kantonalnim upravama.

MJERE KOJE ĆE MINISTARSTVO PODUZIMATI U OBLASTI SIGURNOSTI

Mjere u oblasti javnog reda i mira

- Ministarstvo će i u narednom periodu poduzimati mjere prema licima sklonim narušavanju javnog reda i mira, kao i pojačati aktivnosti nadzora nad licima koja se pojavljuju kao povratnici u činjenju prekršaja JRM-a.
- Takođe će se pojačati pozorničko-patrolna aktivnost u svrhu preventivnog djelovanja, odnosno otkrivanja i sprječavanja svih djela koja bi mogla imati elemente ugrožavanja opće sigurnosti ljudi i imovine.
- Posebna pažnja će se obratiti na kretanje maloljetnih lica u noćnim satima bez pratnje roditelja ili staratelja.
- Nastavit će se aktivnosti na pružanju asistencija inspekcijским organima, na kontroli rada ugostiteljskih objekata, posebno u pogledu poštivanja općinskih odluka o JRM.
- Nastavit će se aktivnosti na obezbjeđenju svih javnih skupova na području Kantona (sportskog, kulturnog, vjerskog ili nekog drugog karaktera).
- Takođe će se sarađivati sa agencijama za zaštitu ljudi i imovine u okviru zakonskih nadležnosti i ovlaštenja, radi razmjene bezbjednosnih saznanja.

Mjere u oblasti kriminaliteta

- Postupat će se u skladu sa procjenom stanja bezbjednosti i u skladu sa Akcionim planom za 2015. godinu, kojim su planirane mjere i radnje koje će se poduzimati po najtežim krivičnim djelima ubistva, razbojništva, teških krađa, iznuda, ucjena, navođenja na prostituciju, nasilja u porodici, neovleštene proizvodnje i stavljanja u promet opojnih droga, posjedovanja i omogućavanja uživanja opojnih droga, izazivanja opće opasnosti itd.
- Sprovodiće se aktivnosti vezane za realizaciju dopuna planova rada za rasvjetljavanje svih neriješenih ubistava iz proteklih godina.
- Nastaviće se aktivnosti po predmetima vezanim za privredni kriminalitet, prije svega po pitanju zloupotreba oko privatizacije poduzeća, te zloupotreba i nepravilnosti prilikom odobravanja i podizanja kredita.
- Sprovodiće se pojačane aktivnosti vezane za otkrivanje počinitelja teških krivičnih djela koja ugrožavaju osjećaj sigurnosti građana.
- Nastaviće se aktivnosti mobilnih timova, u svrhu otkrivanja predmeta iz krivičnih djela, predmeta pogodnih za počinjenje krivičnih djela, nezakonito posjedovanog oružja i eksplozivnih materija, droga itd.
- Takođe će se nastaviti aktivnosti na realizaciji mjera iz programa prevencije maloljetničke delinkvencije na području ZDK.

Mjere u oblasti bezbjednosti saobraćaja

- U skladu sa stručno-analitičkom procjenom stanja, na osnovu broja saobraćajnih nezgoda i posljedica koje su nastupile, Ministarstvo će obezbijediti intenzivniju kontrolu na svim kategorijama puteva i ostvariti potpuniju kontrolu pojedinih kategorija učesnika u saobraćaju.
- Takođe će se pojačati rad i zavoditi akcije sa ciljem poduzimanja represivnih mjera prema vozačima, počinioциma prekršaja, koji su najčešće uzrok saobraćajnih nezgoda (brzina, alkohol, tehnička neispravnost, držanje odstojanja i sl.).
- U vezi sa brзом vožnjom i preticanjem na mjestima gdje je to zakonom zabranjeno, nastavit će se rad sa radarskim sistemima, te sa specijalnim vozilom "ProVida".
- I dalje će se poduzimati mjere i aktivnosti na kontroli mirujućeg saobraćaja.

- o Posvetit će se još veća pažnja kontroli i praćenju prevoza opasnih materija i poduzimati potrebne mjere u svim slučajevima kada se utvrde određeni propusti.
- o Vršit će se praćenje i analiziranje efikasnosti kaznene politike i uticaj izrečenih sankcija na unapređenje bezbjednosti saobraćaja.
- o Vršit će se provođenje zaštitne mjere oduzimanja vozila kojima se učestalo vrše prekršaji i krivična djela, a radi zaštite javne sigurnosti, kako je predviđeno članom 31. Zakona o prekršajima FBiH, članom 79. ZKP FBiH i članom 22. Zakona o policijskim službenicima ZDK, te zahtijevati od nadležnih općinskih sudova donošenje rješenja o postupanjima sa predmetnim vozilima.
- o Obim kontrole saobraćaja će se stalno usklađivati sa vrstom i značajem puta, stanjem bezbjednosti na pojedinim putnim dionicama, učestalošću i strukturom prekršaja, kao i vremenskim uslovima.
- o Takođe će se pratiti stanje infrastrukture saobraćajnica, te u skladu s tim će se vršiti kontrola i regulacija saobraćaja, te o uočenim nedostacima će se sačinjavati informacije i dostavljati nadležnim strukturama radi njihovog otklanjanja.
- o Ministarstvo će poduzimati mjere na što dosljednijoj realizaciji posebnih programa o osposobljavanju policijskih službenika, kao i programu modernizacije i opremanja saobraćajnih patrola rađarskim sistemima, alkometrima, kao i video i komunikacijskom opremom za dokumentiranje događaja, odnosno prekršaja.

Br: 08-02/2-04-2-1574/15.

Dana: 26.03. 2015. godine.

MINISTAR

Hajrudin Žilić



O b r a z l o ž e n j e

I. Pravni osnov

Pravni osnov za donošenje Zaključka o prihvatanju Informacije o stanju bezbjednosti na području Kantona za 2014. godinu je član 16. stav 4. Zakona o Vladi Zeničko-dobojskog kantona - Prečišćen tekst ("Službene novine Zeničko-dobojskog kantona", broj 7/10).

II. Razlozi za donošenje

Programom rada Vlade Kantona planirana je aktivnost Ministarstva unutrašnjih poslova Zeničko-dobojskog kantona na izradi Informacije o stanju bezbjednosti na području Kantona za 2014. godinu.

Razlozi za izradu navedene Informacije su informisanje Vlade i javnosti o bezbjednosnoj situaciji na području Kantona u analiziranom periodu.

U vezi sa navedenim predlažemo da se donese Zaključak kao u prijedlogu.

III. Finansijski efekti

Za realizaciju ovog Zaključka nisu potrebna finansijska sredstva.

MINISTAR

Hajrudin Žilić